

永寧州誌總目

第卷之一

輿地誌

圖考

有圖

沿革

有表

疆域

形勝

有圖

山川

分野

有圖

氣候

風俗

兵防

古蹟

有圖

丘壠

第卷之二

建置誌

城池

有圖

公署

有圖

學校

有圖

驛舖

河堤

津梁

堡寨

壇壝

有圖

恤典

都里

街市

鄉村

坊表

寺觀

第卷之三

食貨誌

戶口

賦役

稅課

驛傳

物產

第卷之四

秩官誌

州正

學官

佐職

第卷之五

秩禮誌

廟祀

有圖

名宦

鄉賢

三壇

公儀

鄉飲

有圖

講約

第卷之六

選舉誌

進士

舉人

貢士

監生

武甲

封廕

第卷之七

人物誌

儒林

仕蹟

鄉賓

孝友

節義

貞烈

隱逸

仙釋

方伎

第卷之八

藝文誌上

誥勅

奏疏

藝文誌下

文集

墓誌

題咏

附

災祥

激流爲刻覈以納于偏畸故措施建監表裏初終之際往往難言之未若公之狷介性成質任自然畧無矯強刻厲之迹而誠意感孚無不服教畏神不疾而速直有超越于古人之上者然後嘆公爲真不可及而益信誠中形外之爲不誣也公倅黃時予卽耳公名屢爲言于朝士故公亦以予爲知己初至金陵卽乘篋輿過予廬坐雙梧下握手款語論及地方事則任之甚力無何稍以直道難行爲憂予曰公而亦慮此也大丈夫勘得透時雖生死亦不可易何況其他

公曰先生言是也愚意亦如此嗣是公餘常枉過予而予常常不在家今年春公意興甚索頗有請告之志一日訪予于清涼精舍相對歛歔者久之其中隱然若重有憂者予厲聲曰遂忘梧桐樹下語耶公應之曰唯唯相與握手而別然公歿公友人鄭君某爲予言公近有所忤于時貴實陰中之公惧爲所誣陷將無以自白坐是憤恚以歿實無他病也予聞之太息泣下以謂公之精忠獲上而猶遭廻咎且有如此自餘有志者又焉望其能特立而不惧也耶然觀

上之遇公恩禮終未少替則知公之所以結主知者良有素而聖朝初未嘗以浮議而有所參間之也嗚呼公亦可以自慰于九原矣公生于丁巳年八月二十七日丑時得年六十有八娶邢氏封淑人三子廷翼貢生廷勵廷元並諸生孫三俱幼公有文集若干卷行世易名曰清端於法皆宜銘銘曰

嗚呼噫嘻爲施中之芝爲驚中之麒麟之益蕤紉之益馳物理旣如斯天道其易知嗚呼噫嘻廉吏不可爲也而可爲如或疑之請視茲辭

于公墓誌銘

蔡升元

皇清誥封朝議大夫直隸叅議道原任平陽府曲沃
縣儒學訓導于公於庚辰之十二月二十四日以疾
卒於家辛巳正月訃至觀察公署中浙之民莫不倉
皇震惶忽忽若有所失一時都人士攀轅卧轍爲之
罷市者累日蓋慮觀察公之不可以奪情留而惜其
以憂去也觀察公之蒞我浙也飭紀綱絕苞苴凜凜
乎莫敢干以私然廉而不劌清而有容遇事務得其
情歸於平恕不以刻深爲能以故浙之人士畏公者

又莫不愛公而公則曰此先君子之遺訓也先君子
嘗至署中呼名而教之曰臬司一職民命所係勿恃
聰明勿任喜怒勿以考成而恣出入勿以獄定而憚
平反爾祖以清節傳家吾不慮汝獄貨爲寶也所慮
自恃其清則或傷於好生之德耳準秉燭治官書常
敬守茲訓勿敢忘焉呼叅議公亦賢矣哉觀其庭訓
款款懇懇具有不虐無告哀矜鰥寡之意令得時而
駕其治行必卓卓可觀非所稱學道愛人之君子耶
公生於名家世有令德父清端公歷仕兩江總督清

節著於 朝野生三子公居長方初任羅城時太夫
人在堂清端公以烟瘴之鄉不敢迎養留公母邢太
夫人及公在家侍奉公上事祖母暨邢太夫人咸曲
盡孝道一切晨昏定省 滫瀡寒煖之節以至疾痛疴
養起居動作之間罔不先意承志以得其歡心且清
端公家素貧持已廉潔祿賜所贏無幾而公獨色養
兼至又能百計圖畫下撫兩弟以長以教以冠以婚
俾至於成人蓋數十年間清端公得以盡瘁王事國
爾忘家而無將母之嘆者皆公之所拮据經營紆內

顧憂以成其志者也公喜讀書老而愈篤每有所得輒欣然忘食爲人講解亦亶亶不倦食餽積歲授外翰秉鐸曲沃先德行而後文藝課士爲諸邑冠監司將交章薦之而公固嗾嗾不自懌曰吾母年高矣卽朝夕就養曾日月之幾何而顧以仕進違問視也余心滋戚矣於是爲之力請終養上憲亦不能奪其意公乃快意於高堂獲侍也與二三仲季情甚適意甚洽委虵膝下承顏順志有古戲綵風不寧唯是太夫人以疾告爲之親嘗湯藥衣不解帶者數十天如一日

川云屢常必致其誠遇難必致其謹者蓋公之天性
純孝有然也且其自奉最儉浣衣糲食處之宴如而
及其與人也則心存施濟遇親知匱乏數贈遺無倦
色凡喪葬嫁娶貧而不能舉者公必竭力以助邑有
流亡則招集之里有饑饉則賑濟之或按口以給錢
或貴糴而賤售或輸糧役或分給牛種凡所以周恤
里黨者無所不至他如修道路治橋梁濟人利物唯力
是視則又皆其睦婣之餘恩所推而及之者也昔晏
于不隱君賜齊國之士待以舉火者三百餘人今三

晉之士待公舉火者不啻數千餘家吾知德盛者其
流必昌異日觀察公秉鈞當國作

清時霖雨上紹清端公餘緒以高大其門閭何莫非
公之貽謀盡善積厚而流之所致耶公諱廷翼字右
之姓于氏山西永寧州人娶張氏

誥封恭人子一名準現任浙江提刑按察使

誥授朝議大夫女四長適太學生崔漸超次適泰州

判官任昇祚三適光澤知縣今候補府同知梁紹素

季適庠生王恂超以今辛巳年八月初四日葬公於

三交鳳凰山甲嘴丁山癸向元朔人也許觀察公字
下沐德奉檄有所有年四以知公之生平嘉言懿
行莫可殫述愧不能爲有道之文以表公於千秋乃
作銘曰公有賢父盛德丕顯公有令嗣祖武是踐兩
世忠亮公實成之續前佑後作述並資公杜未顯公
志已申名在朝宁德在蒸民非潛之光乃顯之懿用
斲斯石式垂不匱

金史
卷之八
名臣列傳
一